



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbdd@jtbdd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbdd@jtbdd.ba

Broj: T18 0 KT 0017132 24

Brčko, 26.12.2024.godine,

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

S. D. , rođen ...1973. godine

Što je

1. Dana 17.07.2024. godine, oko 09.30 sati, u ulici Bijeljinska broj 69 u Brčkom, s ciljem pribavljanja protivpravne imovinske koristi, svjestan da oduzima tuđe pokretne stvari, što je i htio, došao do market drogerije „DM“, te sa izložbene police oduzeo jedan parfem marke „Pacco 1 milion EDT“ od 50 ml., vrijednosti 139,95 KM, na način što je parfem izvadio iz kutije u kojoj je on bio upakovan, ostavio ga u svoju kacicu koju je držao u ruci i tako iznio iz objekta, ne plativši isti, dok je praznu kutiju ostavio u objektu, čime je za sebe pribavio protivpravnu imovinsku korist u iznosu do 139,95 KM, a za koji iznos je oštetio market drogeriju „DM“,

2. Dana 28.12.2023. godine oko 16,30 sati u ulici Bijeljinska, Brčko distrikt BiH u TC „Brčko City Park“ s ciljem pribavljanja protivpravne imovinske koristi, svjestan da oduzima tuđe pokretne stvari, što je i htio, došao do market drogerije „DM“, te sa izložbenih polica oduzeo jedan parfem marke „Givenchy Gentleman edt“ od 100 ml vrijednosti 144,95 KM i parfem „Boss Bottled edt od 100 ml., vrijednosti 169,95 KM, na način što je parfeme prvo izvadio iz kutije u kojoj su bili upakovani, sakrio ih, i tako iznio iz objekta, ne plativši iste, čime je za sebe pribavio protivpravnu imovinsku korist u iznosu do 314,90 KM, a za koji iznos je oštetio market drogeriju „DM“,

dakle, tuđu pokretninu male vrijednosti oduzeo drugom s ciljem da njenim prisvajanjem pribavi sebi i drugome protivpravnu imovinsku korist

čime je počinio produženo krivično djelo - Krađa - iz člana 280. stav 2. u vezi sa članom 55. Krivičnog zakona Brčko distrikta BiH

**** Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica. ****